



Broj:09-20-11-2-669

Datum: 09.06.2021. godine

Na osnovu člana 43. a u vezi člana 45. stav. 2 Zakona o unutrašnjim poslovima Federacije Bosne i Hercegovina („Službene novine Federacije BiH“ broj:81/14), čl. 27. i 70. Zakona o javnim nabavkama („Službeni glasnik BiH“, broj:39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2021. godinu, zamjenik direktora Federalne uprave policije, d o n o s i:

O D L U K U

o izboru najpovoljnijeg ponuđača za nabavku vojnog materijala za LOT 6

1. Na osnovu obavještenja o nabavci objavljenog u „Službenom glasniku BiH“, broj: 21/21 od 09.04.2021. godine proveden je pregovarački postupak sa objavom obavještenja o nabavci, u predmetu nabavke: nabavka vojnog materijala
2. Na predmetnu nabavku za LOT 6, zaprimljene su dvije početne ponude i to od ponuđača: KM TRADE d.o.o. Visoko i SHOT d.o.o. Zenica. Na osnovu dostavljenih početnih ponuda i obavljenih pregovora, ugovorni organ poziv za dostavljanje konačnih ponuda uputio je ponuđaču KM Trade d.o.o. Visoko čija je ponuda jedina formalno-pravno ispunjavala uslove propisane tenderskom dokumentacijom.
3. Komisija je utvrdila da konačna ponuda ponuđača KM TRADE d.o.o. Visoko za LOT 6 – sačma call 12/70 mm, sa cijenom od 1.600,00 KM bez PDV-a, odnosno 1.872,00 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku o pregledu i ocjeni konačne ponude od 03.06.2021. godine.
4. Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj obavještenja o nabavci protokola 1412-3-1-42-3-45/21 od 01.04.2021. godine.
5. Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.
6. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.
7. Za izvršenje Odluke zadužuje se Sektor za materijalno-finansijske poslove.

O b r a z l o ž e n j e

Komisija za provođenje postupka nabavke u skladu sa članom 8. Zakona o javnom nabavkama za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-206 od 18.03.2021. godine, postupila je shodno obavještenju o nabavci koji je objavljen u „Službenom glasniku BiH“, broj: 21/21 od 09.04.2021. godine, po osnovu čega je proveden pregovarački postupak nabavke u predmetu nabavke: nabavka vojnog materijala,

podijeljena na lotove i to: LOT 1- metak 1, LOT 2 – metak 2, LOT 3 – metak 3, LOT 4 – metak 4, LOT 5 – metak 5, LOT 6 - metak 6 i LOT 7 - Flash bang. Procijenjena vrijednost za LOT 1 – 33.000,00 KM bez PDV-a, LOT 2- 64.000,00 KM bez PDV-a, LOT 3 – 15.900,00 KM bez PDV-a, LOT 4 – 7.650,00 KM bez PDV-a, LOT 5 – 1.400,00 KM bez PDV-a, LOT 6 – 1.600,00 KM bez PDV-a i LOT 7 - 4.655,13 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača KM TRADE d.o.o. Visoko, Danial S d.o.o. Tešanj i SHOT d.o.o. Zenica. Komisija je dana 05.05.2021. godine uputila pozive kvalifikovanim ponuđačima za dostavljanja početnih ponuda u skladu sa navedenim rokom navedeni ponuđači KM TRADE d.o.o. Visoko i SHOT d.o.o. Zenica su dostavili svoje početne ponude. Komisija je uvidom u iste konstatovala da početna ponuda ponuđača SHOT d.o.o. Zenica za LOT 6 ima određenih nejasnoća i da će se iste razjasniti u toku pregovora, a da je ponuda ponuđača KM TRADE d.o.o. Visoko ocijenjena prihvatljivom što je konstatovano u Zapisniku broj: 09-20-11-2-669 od 17.05.2021. godine. Pregovori sa ponuđačima obavljani su dana 19.05.2021. godine, i tom prilikom je ponuđač SHOT d.o.o. Zenica dostavio svoje odgovore na postavljena pitanja. Ugovorni organ je na osnovu početnih ponuda i obavljenih pregovora konstatovao da ponuda ponuđača KM Trade d.o.o. Visoko jedino u potpunosti ispunjava uslove propisane tenderskom dokumentacijom, a što je i konstatovano Zapisnikom nakon obavljenih pregovora broj: 09-20-11-2-669 od 24.05.2021. godine. Na osnovu svega navedenog poziv za konačnu ponudu za LOT 6 upućen je ponuđaču KM TRADE d.o.o. Visoko.

Komisija za provođenje postupka nabavke na sastanku održanom 03.06.2021. godine, izvršila je analizu konačne ponude o čemu je sačinjen Zapisnik broj: 09-20-11-2-669 od 03.06.2021. godine, te dala preporuku rukovodiocu organa da donese Odluku o izboru najpovoljnijeg ponuđača: KM TRADE d.o.o. Visoko, za LOT 6 - metak 6, sa cijenom od 1.600,00 KM bez PDV-a, odnosno 1.872,00 KM sa PDV-om, koja u ekonomskom i tehničkom smislu u potpunosti zadovoljava zahtjev ugovornog organa.

PRAVNA POUKA

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog /prvostepenog organa.

Prilog:

-Zapisnik o ocjeni konačne ponude broj: 09-20-11-2-669 od 03.06.2021. godine,

Dostaviti:

- Sektoru za mat-fin poslove
- ponuđačima
- u spis

